

Papurau wedi'u Haddasu - (Cwestiynau Cyffredin) Gwefan CBAC

Addasiadau sydd ar gael

Pa addasiadau sydd ar gael gan CBAC/ EDUQAS?

A4 18pt Arial Bold
A4 24pt Arial Bold
A3 24pt Arial Bold
A3 36pt Arial Bold

NIQP (Papur cwestiynau nad yw'n rhyngweithiol) i'w ddefnyddio gyda darllenwyr electronig a chopïo ar bapur lliw

Braille Saesneg Unedig (UEB) – Gradd 1 (Heb ei dracio) a Gradd 2 (Wedi'i gyfangu)

Diagramau Cyffyrddol

Pa fformat o bapur wedi'i addasu ydw i'n ei archebu i ddysgwyr?

Nid yw CBAC yn gallu nodi pa addasiadau fyddai fwyaf addas ar gyfer dysgwr. Os yw canolfan yn ansicr o ba fformat wedi'i addasu i'w archebu, mae'n syniad da i siarad ag athro'r ymgeisydd neu'r Cydlynnydd Anghenion Dysgu Ychwanegol.

Beth yw papur wedi'i addasu?

Mae papur wedi'i addasu yn bapur arholiad sy'n cael ei baratoi ar gyfer ymgeisydd lle mae'r trefniadau mynediad presennol yn anaddas. Maen nhw ar gael mewn amrywiaeth o fformatau sy'n gallu helpu gydag amrywiaeth o anawsterau sy'n wynebu'r ymgeisydd.

Beth yw papur cwestiynau nad yw'n rhyngweithiol (NIQP)?

Mae papur cwestiynau nad yw'n rhyngweithiol (NIQP) yn PDF o'r papur cwestiynau safonol. Gellir cael mynediad at y fersiwn hwn o'r papur trwy'r Porth 60 munud cyn yr asesiad wedi'i amserlennu lle mae cofrestrriad dilys yn y ganolfan. Gallech chi lawrlwytho PDF o bapur Cwestiynau Print Mawr wedi'i Addasu yn yr un ffordd, fodd bynnag dylech ddefnyddio Trefniadau Mynediad Ar-lein (AAO) i archebu'r copi caled er mwyn sicrhau bod y fformat hwn wedi'i greu.

Ydych chi'n gallu darparu papur iaith wedi'i addasu?

Ydyn. Mae CBAC/EDUQAS yn darparu papurau iaith wedi'u haddasu mewn amrywiaeth o bynciau ar wahân i TGAU Saesneg Iaith a TGAU Mathemateg gan fod yr iaith yn cael ei hadolygu yn y ffynhonnell gan arbenigwr.

Beth yw'r terfyn amser i archebu papur wedi'i addasu?

Cyfres Tachwedd (Hydref) – 20 Medi

Cyfres Ionawr (Gaeaf) – 4 Hydref

Cyfres Mai/Mehefin (yr Haf) – 31 Ionawr

****Mae cyflwyno cais yn hwyr neu fethiant i gadw at y terfyn amser terfynol yn cyfyngu ar waith y corff dyfarnu a gall arwain at wrthod archeb****

A oes angen i mi wneud cofrestrriadau cyn archebu papurau wedi'u haddasu?

Nac oes. Mae terfynau amser ar gyfer cofrestru ar ôl y terfyn amser papurau wedi'u haddasu, felly nid oes angen i chi wneud eich cofrestrriadau cyn hyn. Os nad oes angen y papur ac os nad yw'r ymgeisydd wedi'i gofrestru, dilëwch yr archeb ar y system Trefniadau Mynediad Ar-lein (AAO).

Sut ydw i'n archebu papur wedi'i addasu?

Rhaid cyflwyno archebion gan ddefnyddio'r offeryn gwe **Trefniadau Mynediad Ar-lein (AAO) y CGC**. Mae'r offeryn gwe wedi'i leoli ar Porth CBAC. Mae'r gallu i wneud cais am bapur wedi'i addasu a'i lawrlwytho wedi'i gyfyngu i brif ddeiliad y cyfrif yn y ganolfan. Dewiswch 'Trefniadau Mynediad' yna 'Archebu papurau wedi'u haddasu' a dilynwch y broses i greu a **chyflwyno** cais. Gallwch gyfeirio at lif y broses ym mhennod 6 o lyfryn y CGC Trefniadau Mynediad ac Addasiadau Rhesymol.

Beth sy'n digwydd os yw ymgeisydd yn newid haen ar ôl i mi archebu papur wedi'i addasu?

Bydd angen i chi ganslo'r archeb cyn gynted â phosibl ar AAO ac ail-archebu'r haen gywir.

Os yw athrawon yn ansicr pa haen mae ymgeisydd yn ei sefyll, a oes modd i ganolfannau archebu'r ddwy haen?

Oes, gallwch chi archebu'r ddwy haen. Fodd bynnag, ar ôl cofrestru'r ymgeisydd ar gyfer yr arholiad, rhaid canslo'r haen anghywir yn AAO. Er mwyn canslo bydd angen i chi ddod o hyd i'r archeb wreiddiol a chlicio ar gyfenw'r ymgeisydd. Bydd hyn yn eich galluogi i ganslo'r papur nad oes ei angen mwyach.

Alla i archebu papur wedi'i addasu ar ôl y terfyn amser o hyd?

Mae'r cyfnod cynhyrchu, o dderbyn yr archeb am bapur wedi'i addasu gan y corff dyfarnu hyd at yr adeg y caiff y papurau eu hanfon yn fach iawn. Mae'r broses o sicrhau ansawdd y papurau wedi'u haddasu yn un drwyadl; mae llawer o wiriadau ansawdd i'w cynnal. Mae archebion amserol ar gyfer papurau wedi'u haddasu yn hanfodol. Ni fydd archebion hwyr yn cael eu derbyn yn rhwydd gan na ellir gwarantu y bydd modd eu darparu.

Does dim opsiwn i wneud cais am bapur lliw ar AAO?

Nid yw CBAC/EDUQAS yn darparu papurau wedi'u printio ar bapur lliw.

Mae gen i ymgeisydd sydd angen papur wedi'i addasu ond hefyd ar bapur lliw, beth ddylwn i ei wneud?

Gwnewch yr archeb drwy'r AAO i sicrhau bod papur wedi'i addasu yn cael ei gynhyrchu. Byddwch yn derbyn copi caled o'r papur yna bydd angen i chi lawrlwytho PDF o'r papur Cwestiynau Print Mawr Wedi'i Addasu o'r Porth 60 munud cyn yr asesiad wedi'i amserlennu i'w argraffu ar y papur lliw o ddewis. Bydd angen i chi sicrhau bod cofrestrriad dilys yn eich canolfan er mwyn i chi allu cael mynediad at y PDF hwn.

Ymholiadau cyffredinol am bapurau wedi'u haddasu

Sut ydw i'n archebu Braille Gradd 1 gan fod AAO ond yn caniatáu i mi archebu Gradd 2?

Dim ond archebion ar gyfer Braille Gradd 2 y mae AAO yn eu caniatáu, ond nid yw hyn yn golygu na all CBAC/EDUQAS ei ddarparu. Gwnewch yr archeb am Radd 2 Braille yna anfonwch e-bost at papurauwediuhaddasu@cbac.co.uk gan ddarparu rhif eich archeb a'r wybodaeth sydd ei hangen arnoch ar gyfer Braille Gradd 1. Byddwn yn diwygio ein system yn lleol i sicrhau bod fersiwn Gradd 1 yn cael ei gynhyrchu a'i gyflenwi.

Pa amser bydd y papurau PDF ar gael cyn yr amser dechrau cyhoeddedig?

Bydd papurau ar gael 60 munud cyn yr amser dechrau cyhoeddedig.

Nid yw'r papur wedi'i addasu y mae angen i mi ei archebu yn ymddangos ar AAO

Gall safle'r AAO fod yn sensitif i lythrennau bach/mawr wrth chwilio. Dewiswch 'CBAC' fel y corff dyfarnu o'r gwymplen ac yna rhwch bedwar nod cyntaf o god cydran y papur. *Os yw'r ymgeisydd yn sefyll Mathemateg Rhifedd Uned 1 Sylfaenol (3310N10-1) er enghraifft, bydd angen i chi fewnbynnu 3310 i'r tab chwilio a dylai hyn ddangos yr holl bapurau sy'n dechrau gyda '3310'. Gall hyn fod yn arbennig o bwysig os oes angen mwy nag un papur wedi'i addasu neu os yw'r papur ar gael mewn amrywiaeth o haenau.

Rwyf wedi mewnbynnu'r termau chwilio'n gywir ond nid yw'r papur wedi'i addasu rydw i angen ei archebu ar gael

Gwiriwch eich bod wedi mewnbynnu'r cod cydran yn hytrach na chod y fanyleb neu'r opsiwn. Mae AAO yn adnabod cod cydran penodol y papur penodol. Mewnbynnwch y pedwar nod cyntaf o'r cod cydran a chwiliwch.

Alla i gael mynediad at gyn-bapurau sydd wedi'u haddasu at bwrpas ffug arholiad?

Gallwch. Mae cyn-bapurau i'w gweld ar Porth CBAC/EDUQAS. Maen nhw ar gael i'w lawrlwytho mewn fformat PDF. Dewiswch y pwnc a'r lefel cymhwyster sydd eu hangen o'r gwymplen. Bydd hyn wedyn yn nodi'r papurau wedi'u haddasu sydd ar gael ar waelod y dudalen. Bydd gan y fersiwn papur wedi'i addasu'r ôl-ddodiad naill ai MLP (Print Mawr wedi'i Addasu) neu ML (Iaith wedi'i Haddasu). Ar gyfer cyn-bapurau Braille anfonwch e-bost at papurauwediuhaddasu@cbac.co.uk

Nid wyf wedi derbyn cadarnhad o fy archeb papur wedi'i addasu

Nid yw AAO yn darparu cadarnhad i ganolfan pan mae archeb yn cael ei chyflwyno. Fodd bynnag, gall canolfan fynd yn ôl at yr archeb unrhyw bryd i'w gwirio. Rhaid i ganolfannau sicrhau eu bod yn clicio ar y botwm CYFLWYNO sy'n cadarnhau bod yr archeb wedi'i chyflwyno yn llwyddiannus. Bydd methu â gwneud hynny yn golygu bod y cais yn aros mewn ffolder ddrafft ac yn golygu na fydd y ganolfan yn derbyn yr archeb a gyflwynwyd ganddi.

Rwyf wedi archebu'r papur wedi'i addasu anghywir i ddysgwr neu mae amgylchiadau wedi newid

Bydd AAO yn caniatáu'r opsiwn i ganslo archeb papur wedi'i addasu. Os nad oes angen y papur cwestiynau arnoch mwyach neu os oes angen newid cais, dilëwch y llinell archebu wreiddiol ac ail-archebwch y papur gofynnol.

Rwyf wedi derbyn papur wedi'i addasu, ond mae'n ymddangos yn wahanol i bapur safonol

Mae'r broses o addasu papur cwestiynau yn golygu newid gosodiad a chyflwyniad cychwynnol papur safonol heb newid gofynion yr asesiad. Er enghraifft, byddai rhaid ail-luniadu diagramau; hepgor delweddu, neu newid geiriau penodol i wneud y papur yn fwy hygyrch.

Pryd y byddaf yn derbyn y papurau wedi'u haddasu?

Mae CBAC/EDUQAS yn anelu at ddsbarthu papurau wedi'u haddasu oddeutu 7-10 diwrnod cyn dyddiad swyddogol yr arholiad.

Nid wyf wedi derbyn fy mhapurau wedi'u haddasu ac mae'r arholiad o fewn 5 diwrnod

Sicrhewch eich bod wedi cyflwyno'r cais yn llwyddiannus drwy'r AAO. Os ydych wedi gwirio a chyflwyno'r archeb, anfonwch e-bost at papurauwediuhaddasu@cbac.co.uk . Byddwn ni wedyn yn gwneud ein gorau i ddatrys yr ymholiad.

Mae fy archeb papur wedi'i addasu yn anghyflawn

Gwiriwch y nodyn dosbarthu sy'n cyd-fynd â'ch archeb. Bydd y nodyn dosbarthu yn cynnwys yr holl fanylion archebu ac yn nodi os oes unrhyw bapurau eraill i ddilyn.

Esboniad o broses Papurau Wedi'u Haddasu i ganolfannau

